



**SURAT PEKELILING PERKHIDMATAN NEGERI
BILANGAN 1 TAHUN 2026**

**PEMBERIAN BANTUAN KHAS KEWANGAN AIDILFITRI TAHUN 2026
KEPADA ANGGOTA PERKHIDMATAN AWAM NEGERI
DI BAWAH PENTADBIRAN KERAJAAN NEGERI PULAU PINANG**

TUJUAN

1. Surat Pekeliling Perkhidmatan Negeri ini adalah untuk memaklumkan keputusan Kerajaan Negeri Pulau Pinang berhubung pemberian Bantuan Khas Kewangan Aidilfitri (BKKA) Tahun 2026 kepada Anggota Perkhidmatan Awam Negeri, Penyelia dan Guru Kelas Asas Fardhu Ain (KAFA), Guru Sekolah Rendah Agama Rakyat (SRAR), Guru Sekolah Menengah Agama Rakyat (SMAR), kakitangan SRAR, SMAR dan Sekolah Agama Bantuan Kerajaan (SABK), Guru dan Kakitangan Sekolah Persendirian Cina, Guru Tahfiz, Guru Pondok dan Guru Tadika Islam (TADIS) Negeri Pulau Pinang di bawah Pentadbiran Kerajaan Negeri Pulau Pinang.

LATAR BELAKANG

2. Sebagai penghargaan Kerajaan Negeri terhadap sumbangan Anggota Perkhidmatan Awam Negeri di Pentadbiran Kerajaan Negeri

Pulau Pinang, Kerajaan Negeri telah bersetuju untuk memberikan BKKA Tahun 2026 sebanyak $\frac{1}{2}$ **bulan gaji** atau **minimum RM1,000.00**.

3. Pemberian BKKA Tahun 2026 ini turut dipanjangkan kepada Penyelia dan Guru KAFA, Guru SRAR, Guru SMAR, Kakitangan SRAR, SMAR dan SABK, Guru dan Kakitangan Sekolah Persendirian Cina, Guru Tahfiz, Guru Pondok dan Guru TADIS Negeri Pulau Pinang sebanyak **RM300.00**.

PELAKSANAAN

4. Pemberian BKKA Tahun 2026 ini diberi kepada semua pegawai Perkhidmatan Awam Negeri, tertakluk kepada syarat bahawa pegawai telah berkhidmat sekurang-kurangnya **30 hari berturut-turut** termasuk Hari Rehat Mingguan, Hari Kelepasan Mingguan dan Hari Kelepasan Am dalam tempoh **1 Januari 2026 hingga 13 Mac 2026** dengan pembayaran secara pro-rata (*proportionate*) sebanyak $\frac{1}{2}$ bulan gaji atau minimum RM1,000.00.

PEGAWAI YANG LAYAK

5. Pegawai yang layak menerima adalah tertakluk kepada perenggan 4, dan pematuhan kepada perkara- perkara seperti berikut :

- 5.1 pegawai lantikan tetap, sementara, *Contract of Service* (COS), *Contract for Service* (CFS) dan Pekerja Sambilan Harian (PSH)/Personel MySTEP;
- 5.2 pegawai yang bercuti bergaji penuh;
- 5.3 pegawai yang bercuti separuh gaji;

- 5.4 pegawai yang bercuti tanpa gaji;
- 5.5 pegawai yang dipinjamkan termasuk ke agensi yang diasingkan pengurusan saraannya. BKKA ini akan dibayar oleh agensi yang menerima peminjaman pegawai;
- 5.6 pegawai pinjaman yang kembali ke agensi asal/pembekal, BKKA ini akan dibayar oleh agensi asal/ pembekal;
- 5.7 pegawai COS, CFS, sementara dan PSH/Personel MySTEP yang tamat tempoh kontrak dan telah dilantik semula, dan masih berkhidmat pada **13 Mac 2026**;
- 5.8 pegawai tetap/COS yang meletak jawatan dalam tempoh **1 Januari 2026 sehingga 13 Mac 2026** kerana **dilantik** ke jawatan lain dalam **Perkhidmatan Awam**. Pengiraan kadar BKKA adalah secara pro-rata (*proportionate*) berdasarkan tempoh perkhidmatan dari **1 Januari 2026 sehingga 13 Mac 2026**;
- 5.9 pegawai yang **bertukar masuk** ke Perkhidmatan Awam Negeri Pulau Pinang dari Perkhidmatan Awam Negeri lain atau Perkhidmatan Awam Persekutuan dalam tempoh **1 Januari 2026 sehingga 13 Mac 2026**. Pengiraan kadar BKKA adalah secara pro-rata (*proportionate*) berdasarkan tempoh perkhidmatan di Perkhidmatan Awam Negeri Pulau Pinang dari **1 Januari 2026 sehingga 13 Mac 2026**;
- 5.10 pegawai yang **bertukar keluar** dari Perkhidmatan Awam Negeri Pulau Pinang ke Perkhidmatan Awam Negeri lain atau

Perkhidmatan Awam Persekutuan dalam tempoh **1 Januari 2026 sehingga 13 Mac 2026**. Pengiraan kadar BKKA adalah secara pro-rata (*proportionate*) berdasarkan tempoh perkhidmatan di Perkhidmatan Awam Negeri Pulau Pinang dari **1 Januari 2026 sehingga 13 Mac 2026**;

5.11 pegawai yang **bersara** dalam tempoh **1 Januari 2026 sehingga 13 Mac 2026**. Pengiraan kadar BKKA adalah secara pro-rate (*proportionate*) berdasarkan tempoh perkhidmatan dari **1 Januari 2026 sehingga 13 Mac 2026**; dan

5.12 pegawai yang **meninggal dunia** dalam tempoh **1 Januari 2026 sehingga 13 Mac 2026**. Pengiraan kadar BKKA adalah secara pro-rata (*proportionate*) berdasarkan tempoh perkhidmatan dari **1 Januari 2026 sehingga 13 Mac 2026**.

PEGAWAI YANG TIDAK LAYAK

6. Pegawai yang tidak layak dibayar BKKA Tahun 2026 adalah seperti berikut :

6.1 pegawai yang berkhidmat kurang daripada 30 hari berturut-turut dalam tempoh **1 Januari 2026 sehingga 13 Mac 2026**;

6.2 pegawai yang dikenakan hukuman tatatertib dalam tempoh **1 Januari 2026 sehingga 13 Mac 2026**;

6.3 pegawai yang ditamatkan perkhidmatan demi kepentingan awam dalam tempoh **1 Januari 2026 sehingga 13 Mac 2026**;

- 6.4 pegawai yang peletakan jawatannya telah berkuat kuasa dalam tempoh **1 Januari 2026 sehingga 13 Mac 2026**, kecuali pegawai tetap/COS yang meletak jawatan kerana telah dilantik ke jawatan lain di dalam Perkhidmatan Awam; dan
- 6.5 pegawai yang tidak hadir bertugas tanpa kebenaran Ketua Jabatan mengikut Perintah Am (P.A) 14A(a) Bab C yang **melebihi 3 hari** dalam tempoh **1 Januari 2026 sehingga 13 Mac 2026**.

PEGAWAI YANG DITANGGUHKAN BANTUAN KHAS KEWANGAN AIDILFITRI TAHUN 2026

7. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib **ditangguhkan** pemberian BKKA Tahun 2026. Pegawai hanya layak dibayar BKKA Tahun 2026 sekiranya Pihak Berkuasa Tatatertib mendapati pegawai tersebut tidak bersalah.

TARIKH PEMBAYARAN

8. Pembayaran BKK akan dilaksanakan pada **13 Mac 2026**.

TARIKH RAYUAN

9. Tarikh akhir bagi sebarang permohonan atau rayuan BKKA Tahun 2026 adalah sebelum atau pada **16 Mac 2026** dan perlu dikemukakan kepada YB Setiausaha Kerajaan Negeri dengan perakuan melalui Ketua Jabatan.

TANGGUNGJAWAB PEMBAYARAN

10. Pembayaran BKKA Tahun 2026 ini adalah menjadi tanggungan jabatan di mana pegawai berkhidmat pada tarikh pembayaran atau jabatan terakhir pegawai berkhidmat.

TARIKH KUAT KUASA

11. Surat pekeliling perkhidmatan ini berkuat kuasa mulai dari tarikh ia dikeluarkan.

PEMAKAIAN

12. Tertakluk kepada penerimaannya, Surat Pekeliling Perkhidmatan Negeri ini juga dipanjangkan kepada semua Pihak Berkuasa Tempatan dan Badan Berkanun Negeri di Pulau Pinang.

"MALAYSIA MADANI"
"BERKHIDMAT UNTUK NEGARA"
"CEKAP, AKAKUNTABILITI, TELUS"



(DATO' SERI HAJI ZULKIFLI BIN LONG)

Setiausaha Kerajaan Negeri

6 Mac 2026

Semua Ketua Bahagian PSUKPP

Semua Ketua Jabatan Negeri

Semua Pihak Berkuasa Berkanun

Semua Pihak Berkuasa Tempatan